



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 94. Judicium Facultatis de voto cælibatus Sacerdotalis.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI. A. C. 1526. *Hæc propositio ita generaliter asserta, scandalosa est, & ad doctrinam Lutheri accedit.*

III. *Qui orare volunt, prius Deum, quam Sanctos adeant.*

Pronunciant Doctores, quod hæc propositio in quantum per eam prætenditur non esse Sanctos orandos & invocandos, nisi prius tempore oretur, & invocetur Deus, & quod alioquin male fieret, scandalum in populo pariat, & ex erronea Wiclefi doctrina desumpta sit.

IV. *Non legi in sacris literis, quod Sanctus pro alio oret, nisi in quantum id in libro 2. Machabæorum de Onia & Jeremia dicitur.*

Facultatis Censura hæc est: *Declaratio hujus ignorantie coram populo a Doctore Theologo facta, est perniciofa & conformiter ad errorem Valdensium impie fidem populi infirmat circa venerationem & cultum Sanctorum; Assertor autem harum propositionum ad revocationem compellendus est, atque adstringendus, ut publice prædicet, Sanctos esse venerandos.*

§. XCIV.

Judicium Facultatis de voto Cælibatus Sacerdotalis.

Sub idem tempus Episcopus Chrisopolitanus, generalis Vicarius Valentini

nī Episcopi in Delphinatu hanc quæstio- Sæcul. XVI.
nem Parisiensi Facultati decidendam A.C. 1526.
proposuit: *An fornicatio Sacerdotis sit ca- Argent. t. 1.
sus reservatus Episcopo, eoquod eidem vio- in appen. ad
latio votorum, & sacrilegia reserventur.* fin. p. 5.

Hac super re Doctores die prima Apri-
lis eodem anno suam edixerunt senten-
tiam, declarantes: *Fornicationem Pres-
byterorum casum esse reservatum, eoquod
votum continentie sacris Ordinibus annexum
esset.*

Præterea *Procurator Regis*, inquit
Argentreus, apud *Curiam Parisiensis Se-
natus querelas detulit adversus quosdam Bac-
calaureos, & Licentiatos*, qui in suis The-
sibus ac publicis disputationibus multas quæ-
siones inutiles de potestate *Papæ & Regum*,
deque *Reipublicæ negotiis temere in Scholis*
agitabant. *Idem quoque interrogabant, an
femine liceat regimen populi suscipere, an
Papa mulieri facultatem Ecclesiæ beneficia
dispensandi communicare possit &c.* Quo-
circa *Parisiensis Senatus Cancellario Uni-
versitatis Studii Parisiensis, & Magistris
sacræ Facultatis diem dixit, ut de querelis
Procuratoris certiores fierent, & imposte-
rum caverent, ne hujusmodi abusus in Scho-
lis Parisiensibus contingat. Hæc sententia
Parisiensis Curie effectui data, tabulisque in-
serta est, ut inde libertates Gallicanæ Eccle-
siæ probarentur.*